

ԱՐՁԱՆԱԳՐՈՒԹՅՈՒՆ ԹԻՎ 9

ԿԻՐԱՌԱԿԱՆ ԱՐՎԵՍՏԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏ

20. 05. 2022թ.

Ք. ԻՋԵՎԱՆ

Նիստին ներկա էին խորհրդի 13 անդամներից 10-ը:

ՕՐԱԿԱՐԳ

1. Հետազոտական բաղադրիչ ունեցող առարկաներից ուսանողների բավարարվածության հարցման արդյունքների մասին: (Զեկ. Վ. Ա. Աղաբաբյան)
2. Ֆակուլտետի 2022-2026 ուստարիների ուսումնական պլանների հաստատում: (Զեկ. Վ. Ա. Աղաբաբյան)

Ֆակուլտետի խորհրդի նիստը բացեց և օրակարգը ներկայացրեց դեկանի պաշտոնակատար, խորհրդի նախագահ Վ. Աղաբաբյան:

Օրակարգը հաստատելուց հետո նիստի մասնակիցները անցան օրակարգի հարցերի քննարկմանը:

ԼՍԵՑԻՆ.

Օրակարգի առաջին հարցի վերաբերյալ հանդես եկավ խորհրդի նախագահ Վ. Աղաբաբյանը: Զեկուցողը նշեց, որ ֆակուլտետի ուսանողները շատ պասիվ են եղել հարցման մասնակցության գործում: 2021-2022 ուստարվա առաջին կիսամյակում հետազոտական աշխատանք իրականացրած 36 ուսանողներից հարցմանը մասնակցել է 5 ուսանող /8,9%/: Նշվածին հակառակ բավականին ակտիվ մասնակցություն են ունեցել հետազոտական աշխատանք ղեկավարած դասախոսները /6/5/:

Զեկուցողը նշեց, որ Մասնագիտական կրթության որակի ապահովման բաժինն առաջին կիսամյակի քննաշրջանի ավարտից հետո, մարտի սկզբին, ուսանողների կրթական կարիքների վերհանման շրջանակներում, հարցման միջոցով

ուսումնասիրել է հետազոտական աշխատանքների կազմակերպումից և գնահատումից ուսանողների բավարարվածությունը: Հարցման նպատակն է եղել բացահայտել հետազոտական աշխատանքի իրականացման ընթացքում ուսանողների մոտ ի հայտ եկած խնդիրները, հավաքագրել առաջարկներ հետազոտական աշխատանքների կազմակերպման և իրականացման բարելավման ուղղությամբ, ակտիվացնել ուսանողների մասնակցությունը հետազոտական աշխատանքներին և խթանել ուսանող – բուհ համագործակցությունը:

Հարցաշարը ներառել է հարցեր, որոնց միջոցով նպատակ ենք ունեցել պարզելու ուսանողների բավարարվածությունը.

1. հետազոտական աշխատանքների բովանդակությունից և ռեսուրսներից,
2. հետազոտական աշխատանքի իրականացման ընթացքում ղեկավարի աջակցությունից,
3. կատարած աշխատանքից,
4. հետազոտական աշխատանքի կազմակերպումից,
5. հետազոտական աշխատանքի գնահատումից:

Հարցման օբյեկտիվության և ուսանողների անկաշկանդ մասնակցության նկատառումներով հարցումն իրականացվել է անանուն և առցանց եղանակով:

Ձեկուցողը ըստ հարցերի ներկայացրեց վերլուծության արդյունքները: Այսպես.

1. Բավարարվածությունը հետազոտական աշխատանքի բովանդակությունից և ռեսուրսներից

Այս բաժնում ուսումնասիրվել է ուսանողների մասնակցությունը հետազոտական աշխատանքների համար թեմաների ընտրության, կազմակերպման գործընթացին: Նախորդ ուսումնական տարվա համեմատ ուսանողների մասնակցությունը թեմաների առաջադրման գործընթացում աճել է, ինչը վկայում է հետազոտական աշխատանքների նկատմամբ հետաքրքրության բարձրացման և այդ գործընթացում նրանց ինտեգրման մասին: Ընդ որում, հարցմանը մասնակցած հետազոտական աշխատանքների ղեկավարները փաստել են, որ ուսանողներն ամբողջությամբ կամ մասամբ մասնակցել են թեմաների առաջադրմանը, դա փաստել է նաև ուսանողները: Թեմայի արդիական և հետաքրքիր լինելը խթանում և

մոտիվացնում է, ներգրավում է ուսանողին ստեղծագործական աշխատանքի մեջ, բարձրացնում է նրա ձգտումն ինքնուրույն աշխատելու և արդյունքի հասնելու հարցում: Հետևաբար, հետազոտական աշխատանքը պետք է հնարավորինս լինի ուսանողի նախասիրությունների և հնարավորությունների շրջանակներում:

«Մասնակցել էք արդյո՞ք հետազոտական աշխատանքի թեմաների առաջադրմանը՝ արտահայտելովձեր ցանկությունները» հարցին պատասխանել են 2 ուսանող՝ տալով դրական պատասխան: «Կատարել և ներկայացրե՞լ էք ձեր հետազոտական աշխատանքը» հարցին երկու ուսանող դրական է պատասխանել, իսկ 3 ուսանող՝ բացասական: Բացասական պատասխանների վրա կարիք կա ուշադրություն դարձնել, քանի որ հաջորդ՝ «Որքանո՞վ ձեզ հետաքրքրեց առաջադրված հետազոտական աշխատանքի թեման» հարցին երեք ուսանող պատասխան չի տվել, իսկ 1 ուսանող նշել է, որ այն իր նախասիրությունների շրջանակում է, իսկ 1 այլ ուսանողի համար այն ուղղակի հետաքրքիր թեմա է եղել: «Ըստ Ձեզ ձեր աշխատանքը պարունակու՞մ էր հետազոտություն կատարելու տարրեր» հարցին պատասխանած երկու ուսանողները նշել են, թեման ամբողջությամբ հետազոտական է եղել: Աշխատանքների ամբողջությամբ հետազոտական լինելու հետ կապված ուսանողները ճիշտ են գնահատել աշխատանքների պահանջները և նրանց կարծիքները համընկնում են աշխատանքների վերաբերյալ դասախոսների կարծիքների հետ: Այս հարցին պատասխանած դասախոսներից 3-ը նշել են, որ իրենց ղեկավարած աշխատանքը ամբողջությամբ հետազոտական էր, իսկ 2-ը գտնում են, որ այն ավելի շատ ինքնուրույն աշխատանք էր: Սա նշանակում է, որ ամբիոնները պետք է հետևողական լինեն թեմաների հաստատման ժամանակ, իսկ դասախոսներն անպայման իրենց աշխատանքերում կարևորեն հետազոտական բաղադրիչի, հետազոտական տարրերի առկայությունը:

Հետազոտական աշխատանքի առաջնահերթ նպատակն է ուսանողի մոտ ձևավորել և զարգացնել գործնական կարողությունները և մասնագիտական հմտությունները: Այստեղ նույնպես պետք է փաստել, որ հետազոտական աշխատանքի իրականացումը կատարել է իր առաջնահերթ խնդիրը: Նշենք, որ

ուսանողներն ընդհանուր առմամբ բավարարված են հետազոտական աշխատանքի իրականացումից, որովհետև այս հարցին պատասխանած ուսանողները նշել են, որ այն իրենց տվել է ինքնուրույն աշխատելու ունակություններ, նոր գիտելիքներ, վերլուծելու կարողություններ, գործնական կարողություններ, դատողություններ և եզրակացություններ կատարելու ունակություններ:

«Իրականացման տեսանկյունից ձեզ համար ինչ՞ չափով էր բարդ հանձնարարված հետազոտական աշխատանքը» հարցին պատասխանել է ընդամենը մեկ ուսանող՝ նշելով, որ հեշտությամբ է կատարել աշխատանքը: Նույն հարցին պատասխանած ղեկավարներից երկուսը ևս այդպես է կարծում, իսկ երեքը գտնում է, որ ստիպված շատ նոր բաներ են սովորել:

Զեկուցողը նշեց, որ պետք է հետևողական լինել հետազոտական աշխատանքների թեմաների ընտրության, նրանց բարդության, ուսանողների կողմից դրանց իրականացման ընթացքի և որակի հարցում: Պետք է ուսանողների հետ պարբերաբար կազմակերպել հանդիպում-քննարկումներ՝ ուղղորդելով նրանց ճիշտ աշխատելու և հետազոտելու գործում, նրանց մոտ բարձրացնել մոտիվացիան և հետազոտական աշխատանքի կարևորությունը:

2. Բավարարվածությունը հետազոտական աշխատանքի ղեկավարի աջակցությունից

Աշխատանքի իրականացման գործընթացում շատ կարևոր է ղեկավարի ճիշտ դիրքորոշումը և աջակցության ձևն ու չափը: Նախ ուսանող-ղեկավար համագործակցության մեջ ուսանողը պետք է հստակ գիտակցի իր ինքնուրույն աշխատելու կարևորությունն ու պահանջը, և ճիշտ գնահատի այն իրավիճակները, որտեղ պետք է ակնկալի ղեկավարի աջակցությունը: Իսկ ղեկավարները պետք է ուսանողներին սովորեցնեն ինչպես աշխատել ինքնուրույն և ինչպես հասնեն արդյունքների:

Հետազոտական աշխատանք կատարելու երկու տարիների փորձը և ուսումնասիրությունների արդյունքները ցույց են տալիս, որ մեր ուսանողները ղեկավարներից ավելի մեծ աջակցություն են ակնկալում, քան կարելի է: Այդ պատճառով էլ բավարարված չեն ղեկավարների աջակցությունից:

«Գնահատեք դասախոսի աջակցությունը» հարցին պատասխանել է մեկ ուսանող, որը բավարարված չէ եղել հետազոտական մեթոդների ընտրության, վերլուծությունների կատարման, գրականության և մեթոդական նյութերի ընտրության և աշխատանքի արդյունքների ձևակերպման ժամանակ ղեկավարի աշխատանքից և գնահատել է 3.5 միավոր: Նույն հարցին պատասխանած ղեկավարները բոլորովին այլ կերպ են գնահատել իրենց աջակցությունը ուսանողներին: Նրանք 4,20 են գնահատել իրենց աջակցությունը հետազոտական մեթոդների ընտրության գործում, 3,80՝ վերլուծությունների կատարման ժամանակ, 4,00՝ գրականության և մեթոդական նյութերի ընտրության գործում և 3,80՝ աշխատանքի արդյունքների ձևակերպման ժամանակ:

Զեկուցողը նշեց, որ նմանատիպ խնդիրները կարող են պայմանավորված լինել հետազոտական աշխատանքներ ղեկավարող դասախոսների մեծ բեռնվածությամբ, ինչի մասին բարձրաձայնել են նաև դասախոսները: Նրանք նշել են, որ մեծ թվով ուսանողների հետ մեկ ղեկավարը արդյունվետ չի կարող աշխատել: Նաև այդ արդյունքները կարող են պայմանավորված լինել ղեկավարի գործառույթների վերաբերյալ ուսանողների ոչ ճիշտ պատկերացմամբ:

Այնուամենայնիվ, այստեղ երկկողմանի խնդիրներ կան, որոնք նաև բովանդակային են և անհրաժեշտ են նոր մոտեցումներ և նոր լուծումներ, մասնավորապես հետազոտական աշխատանքներ ղեկավարող դասախոսների բեռնվածության նորմերի վերանայման հետ կապված:

3. Ուսանողի բավարարվածությունն իր կատարած աշխատանքից

Զեկուցողը նշեց, որ ուսանողների կատարած աշխատանքից բավարարվածության արդյունքները նախորդ բաժնի արդյունքների նույն պատկերն են արտացոլում: Արդյունքները ցույց են տալիս, թե ուսանողները հետազոտական աշխատանքի իրականացման և արդյունքների ձևակերպման ո՞ր գործընթացում են դժվարացել, և որը հաղթահարել հեշտությամբ: Ե՛վ դասախոսները, և՛ ուսանողները վկայել են, որ ուսանողների մոտ հիմնականում չի ստացվել ինքնուրույն ձևակերպել աշխատանքի նպատակն ու խնդիրները, ինքնուրույն պլանավորել հետազոտական աշխատանքի իրականացման ընթացքը, գնահատել թեմայի արդիականությունը և

նշանակությունը: Ղեկավարները բարձր են գնահատել ձեռք բերած արդյունքները և կատարած աշխատանքը ներկայացնելու ուսանողների կարողությունները:

Որքանո՞վ է Ձեզ մոտ ստացվել ինքնություն...» հարցը բաղկացած է եղել մի քանի ենթակետերից: Պլանավորել հետազոտական աշխատանքի իրականացման ընթացքը երկու ուսանող հաջողված է համարում և տվել է 4 գնահատականը: Նույն գնահատականն են տվել նաև ղեկավարները: Աշխատանքի նպատակն ու խնդիրները ձևակերպելու կարողությունը ուսանողները գնահատել են 4, իսկ ղեկավարները՝ 3,80: Թեմայի արդիականությունը և նշանակությունը գնահատելու կարողությունը ուսանողները գնահատել են 4, իսկ ղեկավարները՝ 4,20: Ձեռք բերված արդյունքները ներկայացնելու կարողությունը ուսանողները գնահատել են 3, իսկ ղեկավարները՝ 4,60: Եզրակացությունը ձևակերպելու կարողությունը ուսանողները գնահատել են 4, իսկ ղեկավարները՝ 3,80: Կատարած աշխատանքը ներկայացնելու կարողությունը ուսանողներից մեկը գնահատել է 4, մեկը՝ 3 իսկ ղեկավարները՝ 4,60: Անհրաժեշտ նյութերը հավաքագրելու կարողությունը ուսանողներից մեկը գնահատել է 4, մեկը՝ 3 իսկ ղեկավարները՝ 4: Անհրաժեշտ գրականությունից օգտվելու կարողությունը ուսանողներից մեկը գնահատել է 5, մեկը՝ 3 իսկ ղեկավարները՝ 4,50:

4. Բավարարվածությունը հետազոտական աշխատանքի կազմակերպումից

Ձեկուցողը ավելացրեց, որ հարցման շրջանակներում ուսումնասիրվել են նաև աշխատանքների կազմակերպման ձևերը:

«Ի՞նչ ձևով էր կազմակերպված հետազոտական աշխատանքը» հարցին պատասխանած երկու ուսանողները նշել են, որ հետազոտական աշխատանքը անհատական բնույթ էր կրում և հաջորդ՝ «Աշխատանքի կազմակերպման ո՞ր ձևն էք նախընտրում հետազոտական աշխատանքը արդյունավետ կատարելու համար» հարցին նրանցից մեկը նշել է անհատական և խմբային աշխատանքների գույակցումը, իսկ մեկը՝ խմբային աշխատանքը: Հարցմանը մասնակցած դասախոսները նշել էին, որ ուսանողներին ծանոթացրել էին հետազոտություն կատարելու մեթոդաբանությանը: Դա էին փաստել նաև հարցմանը մասնակցած ուսանողները: Պետք է նշել, որ դասախոսներն առավելությունը տալիս են

անհատական աշխատանքի ձևին, գտնում են, որ այն ավելի արդյունավետ է և հիմնավորում են նրա առավելությունը: Օրինակ, նրանք նշում են, որ.

- անհատական աշխատանքը հեշտ վերահսկելի է, հստակ ստուգվող և գնահատվող,
- ուսանողի ունակություններից կախված դասախոսն ավելի հեշտ է աշխատում և հանձնարարությունները լինում են ուղղորդված,
- անհատական աշխատանքներն ավելի լավ են բացահայտում ուսանողի ձեռքբերումները, հնարավորություն են տալիս ուսանողին դրսևորվել, գործել ինքնուրույն, ներկայացնել իր հնարավորությունները,
- ավելի հեշտ է ստանալ հետազոտական պատկեր, և ավելի հեշտ է գահատել աշխատանքը,
- անհատական աշխատանքների դեպքում ուսանողը կարողանում է գիտակցել սեփական աշխատանքի գնահատականի օբյեկտիվությունը:

Իսկ ահա խմբային աշխատանքի դեպքում խմբի ոչ բոլոր ուսանողներն են նույն բեռնվածությամբ աշխատում, որի արդյունքում դժվարություններ են ստեղծվում աշխատանքի ներկայացման և գնահատման հետ կապված:

5. Բավարարվածությունը հետազոտական աշխատանքի գնահատումից

Հետազոտական աշխատանքների գնահատման գործընթացի առաջնային քայլը լիարժեք իրականացված է: Ուսանողները տեղեկացված են եղել աշխատանքի գնահատման չափանիշներից: «Որտեղի՞ց եք ծանոթացել հետազոտական աշխատանքի գնահատման չափանիշներին» հարցին մեկ ուսանող նշել է, որ գնահատման չափանիշները ներկայացրել է դասախոսը, իսկ մեկ ուսանող՝ իմացել է կուրսընկերներից: «Որքանո՞վ են Ձեր կարծիքով ճիշտ ընտրված հետազոտական աշխատանքի գնահատման չափանիշները» հարցին ուսանողներից մեկը գտել է, որ ամբողջովին ճիշտ է ընտրված: Նույն պատասխանն են տվել ղեկավարներից երեքը: Հետազոտության ղեկավար երկու դասախոս և մեկ ուսանող գտնում է, որ գնահատման չափանիշները մասամբ է ճիշտ ընտրված: «Բավարարվա՞ծ եք հետազոտական աշխատանքի համար ձեր ստացած գնահատականից» հարցին պատասխանել են, որ իրենք ավելի բարձր են ստացել, քան իրենք սպասում էին:

Այնուհետև, պատասխանելով առաջադրված բաց հարցերին, դասախոսները մի քանի խնդիրներ են նշել: Մասնավորապես՝ մասնագիտական գրականության պակասը: Նշվել է նաև, որ հետազոտական բաժը սխալ է, քանի որ ուսանողներն այս մակարդակում կատարում են ավելի շուտ ուսումնասիրություն, քան հետազոտություն: Նաև, որ ուսանողների բեռնվածությունը՝ դասընթաց+ՀԲ+պրակտիկա, մասամբ ազդում է դասընթացի որակի վրա:

Այս ամենը ի նկատի ունենալով՝ արվել են առաջարկություններ: Ըստ այդմ՝ առաջարկում են հետազոտական աշխատանքը զատել դասընթացից և դարձնել անկախ՝ կուրսային աշխատանքի նման և նրա գնահատականը չներառել դասընթացի միավորների մեջ: Առաջարկվել է նաև հետազոտական բաղադրիչներ ունենան շատ ժամաքանակ ունեցող առարկաները և հետազոտական աշխատանքի կատարման համար հատկացնել հավելյալ ժամեր:

ԱՐՏԱՀԱՅՏՎԵՑԻՆ.

ՀԴՄ անդամ Բ. Մխիթարյանը, ՀՆՄ անդամ Ա. Չիբուխյանը, ՀՆՄ անդամ Դ. Չիբուխյանը, ՀՆՄ անդամ Մ. Ստեփանյանը:

ՈՐՈՇԵՑԻՆ

Հետազոտական բաղադրիչ ունեցող առարկաներից ուսանողների բավարարվածության հարցման արդյունքներն ընդունել ի գիտություն:

ԼՍԵՑԻՆ.

Օրակարգի 2-րդ հարցի վերաբերյալ հանդես եկավ Վ. Աղաբաբյանը: Զեկուցողը նշեց, որ ֆակուլտետում իրականացվող առկա ուսուցման կրթական ծրագրերի ուսումնական պլանների վերանայման համար ստեղծվել են աշխատանքային խմբեր, որոնք, չնայած բավականին պասիվ են եղել, բայց ի վերջո մշակել են 2022-26 ուստարվա վերանայված ուսումնական պլանները: Զեկուցողը ներկաների քննարկմանը ներկայացրեց 2022-26 ուստարվա «Դեկորատիվ-կիրառական արվեստ» և «Դիզայն» կրթական ծրագրերի ուսպլաններում կատարած փոփոխությունները:

**2022-26 ուստարվա «Դեկորատիվ-կիրառական արվեստ» կրթական ծրագրի ուսպլանի
մասնագիտական կառուցամասում կատարվել են հետևյալ փոփոխությունները**

Տարե- թիվ	Կրթ.մոդուլի անվանումը	Կրեդիտ	Դաս.	Գործ. /սեմ./	Ինքն.	Ընդ.	Գնահ.ձևը
2021- 2025	Գծանկար.-2	5	6	54	90	150	Եզ. Գն.
2022- 2026	Գծանկար.-2	6	6	69	105	180	Եզ. Գն.
2021- 2025	Գունանկ.-2	4	6	54	60	120	Եզ. Գն.
2022- 2026	Գունանկ.-2	5	6	69	75	150	Եզ. Գն.
2021- 2025	«ՀԲ» Զարդ. կոմպ.	2	4	26	30	60	Առ.Եզ.Գն.
2022- 2026	«ՀԲ» Զարդ. կոմպ.»	4	8	52	60	120	Եզ. Գն.
2021- 2025	Գծանկար.-5	4	4	56	60	120	Եզ. Գն.
2022- 2026	Գծանկար.-5	5	4	71	75	150	Եզ. Գն.
2021- 2025	Գունանկ.-5	4		60	60	120	Առ.Եզ.Գն.
2022- 2026	Գունանկ.-5	5	4	71	75	150	Առ.Եզ.Գն.

2021-2025	«ՀԲ» Փայտի գեղ.վշակ-2	5	2	58	90	150	Եզ. Գն.
2022-2026	«ՀԲ» Փայտի գեղ.վշակ-2	4	2	58	60	120	Առ.Եզ.Գն.
2021-2025	«ՀԲ» Գործ. գեղ.վշ.-1	5	4	56	90	150	Եզ. Գն.
2022-2026	«ՀԲ» Գործ. գեղ.վշ.-1	4	4	56	60	120	Եզ. Գն.
2021-2025	«ՀԲ»Հայ արվ.պատ.-2	2	26	4	30	60	Առ.Եզ.Գն.
2022-2026	«ՀԲ»Հայ արվ.պատ.-2	4	54	4	30	120	Առ.Եզ.Գն.
2021-2025	Մետ.գեղ. վշ-3	5	2	58	90	150	Առ.Եզ.Գն.
2022-2026	Մետ.գեղ. վշ-3	3	2	28	60	90	Առ.Եզ.Գն.

2022-26 ուստարվա «Դիզայն» կրթական ծրագրի ուսպլանի մասնագիտական կառուցամասում կատարվել է հետևյալ փոփոխությունները

Տարե-թիվ	Կրթ.մոդուլի անվանումը	Կրեդիտ	Դաս.	Գործ. /սեմ./	Ինքն.	Ընդ.	Գնահ.ձևը
2021-2025	«ՀԲ» Դիզայնի պատմ.	2	22	8	60	90	Առ.Ընթ.

2022-2026	«ՀԲ» Դիզայնի պատմ.	4	45	15	60	120	Եզ. Գն.
2021-2025	Մակ. և աշխ. նյ.վրա-1	4	8	52	60	120	Առ.Եզ.Գն.
2022-2026	Մակ. և աշխ. նյ.վրա-1	3	15	30	45	90	Առ.Եզ.Գն.
2021-2025	«ՀԲ»Դիզայնի նախագ.-1	5	8	52	90	150	Եզ. Գն.
2022-2026	Դիզայնի նախագ.-1	5	8	52	90	150	Եզ. Գն.
2021-2025	«ՀԲ»Դիզայնի նախագ.-2	8	8	82	150	240	Եզ. Գն.
2022-2026	«ՀԲ»Դիզայնի նախագ.-2	8	8	82	90	180	Եզ. Գն.
2021-2025	Ինտերիերի դիզայն	4	8	52	60	120	Առ.Ընթ.
2022-2026	Ինտերիերի դիզայն	4	8	82	90	180	Առ.Եզ.Գն.
2021-2025	«ՀԲ» Հազուս. մոդել. կոմ-1	3	4	26	60	90	Առ.Եզ.Գն.
2022-2026	Հազուս. մոդել. կոմ-1	3	4	26	60	90	Առ.Եզ.Գն.
2021-2025	«ՀԲ» Հազուս. մոդել. կոմ-2	5	4	56	90	150	Եզ. Գն.
2022-	«ՀԲ» Հազուս.	4	4	56	60	120	Եզ. Գն.

2026	մողել. կոմ-2						
2021-2025	Հագուստի նախագ.-2	4	8	52	60	120	Առ.Եզ.Գն.
2022-2026	Հագուստի նախագ.-2	4	15	30	75	120	Առ.Եզ.Գն.
2021-2025	«ՀԲ» Տարազի պատմ.	3	20	10	60	90	Առ.Եզ.Գն.
2022-2026	«ՀԲ» Տարազի պատմ.	4	30	30	60	120	Առ.Եզ.Գն.

ԱՐՏԱՀԱՅՏՎԵՑԻՆ.

ՀՆՄ անդամ Հ. Ասատրյանը, ՀԴՄ անդամ Ք. Մխիթարյանը, ՀՆՄ անդամ Ա. Չիբուխյանը, ՀԴՄ անդամ Դ. Չիբուխյանը:

ՈՐՈՇԵՑԻՆ

1. Հաստատել «Դեկորատիվ-կիրառական արվեստ» և «Դիզայն» կրթական ծրագրերի 2022-26 ուսումնական պլանները:

2. «Դեկորատիվ-կիրառական արվեստ» և «Դիզայն» կրթական ծրագրերի ուսպլանում կատարված փոփոխությունները ներկայացնել ՈԻՄՎ:

**ՖԱԿՈՒԼՏԵՏԻ ԽՈՐՀՐԴԻ ՆԱԽԱԳԱՀ՝
ՔԱՐՏՈՒՂԱՐ՝**

**Վ. Ա. ԱՂԱԲԱԲՅԱՆ
Ք. Հ. ՄԽԻԹԱՐՅԱՆ**